



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Confessarijs sollicitantibus.

urn:nbn:de:hbz:466:1-41767

DE CONFESSARIIS sollicitantibus.

I Omnes Confessarij sollicitantes in confessione suos pœnitentes, siue masculos, siue fœminas ad actus turpes; & inhonestos sacrilegè peccant, & sunt ab ipsis pœnitentibus reuelandi Sancto Officio, vel Ordinario loci: alioqui tales pœnitentes non possunt absolui, nisi vel per se, vel per alios reuelent: imò etiam incidunt in excommunicationem, propter edicta Inquisitorum.

2 Nomine sollicitationis, post Bullam Gregorij XV. intelligitur non solù si Confessarius in actu confessionis sacramentalis prouocet, alliciat, & excitet pœnitentem ad actus inhonestos, & ab ipso tale aliquid petat, aut tentet, aut procuret, siue tunc exequendum, siue absoluta confessione, siue cum ipso Cōfessario, siue cum alijs; sed etiam si Confessarius ante, vel post confessionem immediatè, seu occasione, vel prætectu
con-

confessionis, etiam ipsa confessione non secuta, siue extra occasionem confessionis in confessionario, aut in loco quocumque, vbi confessiones sacramentales audiuntur, seu ad confessionem audiendam electo, simulans ibidem confessionem audire, sollicitare, vel prouocare tentauerit pœnitentes, aut cum eis illicitos, & inhonestos sermones, siue tractatus habuerit. In his ergo omnibus casibus sunt reuelandi Confessarij nec excusantur paruitate materiæ.

3 Confessarij sollicitantes possunt absolui per Sacramentum Pœnitentiæ ab hoc delicto à quolibet ordinario Confessario, non enim est casus reseruatus in iure.

4 Tenentur Pœnitentes reuelare Confessarios sollicitantes, etiam si ipsi pœnitentes fuerint primi in miscendis sermonibus inhonestis, aut Confessarios sollicitauerint: dummodo Confessarij consenserint, & habuerint inhonestos sermones. Nam in Bulla prædicta constat sufficere ad hanc denunciationem si Confessarius habuerit cum pœnitente illicitos, & inhonestos sermones, aut

tractatus: nec excipitur casus, in quo ipsi non fuerint primi: sed satis est si inhonestos sermones habuerint.

Item, etiam si ipsi pœnitētes sollicitati consenserint turpi petitioni, in quo casu pœnitētes reuelantes non tenentur, nec debēt dicere suū consensū, aut peccatū: nec si dicant, illud erit recipiendū ab Inquisitoribus, sed satis erit, si absolute dicant, se fuisse sollicitatos, aut Confessarium habuisse cū ipsis turpes, & inhonestos sermones: in quo etiam casu, nec ipsi Confessarij admittuntur, si alienum consensum reuelare velint.

6 Nec dici potest, quod mulier consentiens non teneatur denunciare, cū sit socia criminis: quamuis enim ipsa consentiens peccet simul cum Confessario, atque adeo dici possit socia criminis, veluti materialiter; nō est tamen socia criminis, prout hoc crimen per decreta Pontificum pertinet ad Sanctum Officium: nam solum pertinet ex parte Confessarij tantum, & vt habet rationē sollicitationis ex parte ipsius: quo pacto mulier nullo modo est socia: & propterea si Confessarius velit reuelare consensum

P

pœ-

pœnitentis; non admittitur, ut dixi.
 7 Est etiam reuelandus Confessarius,
 qui in confessione, vel ante, aut post im-
 mediatè præbet pœnitenti scriptum, in
 quo continetur sollicitatio: etiam si tale
 scriptum non legatur tunc à pœnitente,
 sed postea domi suæ, aut alibi.

8 Est etiam reuelandus Sacerdos, qui,
 licet non sit Confessarius, fingit tamen
 se esse Confessarium, & sollicitat modo
 prædicto: nam omnis Sacerdos est Con-
 fessarius pro venialibus.

9 Non solum ipsi pœnitentes, sed etiam
 quilibet, qui, saltè à personis fide dignis
 audierit talem Confessarium hanc, vel
 illam personam sollicitasse, tenetur hoc
 reuelare: etiam si talem notitiam habue-
 rit in secreto: & hoc propter bonum pu-
 blicum, & in fauorem Fidei.

10 Omnes Confessarij tenentur scire
 obligationem, quam habent sub morte
 ali, monendi suos pœnitentes, ut si ab alio
 quo Confessario sollicitati fuerint, de-
 nuncient sollicitatorem.

11 Potest excusari pœnitens ab hac
 denunciatione faciendâ, propter impo-
 tētiam, vel physicam, vel moralem, saltè

ad tempus: qua in re standum erit iudicio prudentis, & docti Confessarij, iuxta ea, quæ de hac re viri docti docuere, inter quos ultimo loco copiosè scripsit Hieronymus Trimarchius opusc. de hac ipsa re: & multa etiam habet Diana 1. par. tract. 4.

DE HORIS CANONICIS.

1 **H**oræ Canonice sunt septē, scilicet Matutinum cum Laudibus, Prima, Tertia, Sexta, Nona, Vesperæ, Completorium, prout continentur in Breviario Romano. Agunt de hac materia Suarez tom. 2. de Relig. tr. 4. l. 4. Fillius. 10. 2. tr. 33. à c. 3. Azor. 10. 1. lib. 10. Sanchez. 10. 2. Consil. lib. 7. c. 2. Bonac. 10. 1. tract. de hac re.

2 Tenentur has horas recitare omnes cōstituti in sacris Ordinibus: Regulares professi iuxta instituta, vel cōsuetudines suarum Religionum: & demum omnes habentes beneficium Ecclesiasticum: quæ recitatio potest fieri cum socio alternatim.

3 Recitatio Officij diuini debet esse vocalis, ita vt voce exprimātur syllabæ, & verba, etiam si non audiantur ab alijs,